

秩之有憑必昭報而無闕宜令工部尚書郭虛已等分祭  
五岳四瀆八載九月二十日詔稼穡豐穰群官樂業思崇  
聖秩用展虔誠宜令崇正卿褒信王璆分祭五岳四瀆又  
至天寶十載二月二十一日遣嗣吳王祗等分祭五岳四  
瀆其行冊禮至元二年八月詔太常卿裴郁等十人各就  
方鎮祭岳瀆等舊禮皆因郊祀望而祭之天寶中始有遣  
使祈福之祀至德中又加西嶽金天王中嶽中天王及諸  
岳瀆王公之號今用遣使之禮非正也其年五月十五日  
太常卿董晉奏五岳四瀆伏准開元禮每年各以五郊迎  
氣日祭之其祝版並合御署自上元元年中祠小祠一切  
權停自後因循不請御署其祝版欲至饗祭日所司准呈  
先進取御署附驛發遣勅旨宜依仍委所司每至時先奏

附中使送往十二年二月太常博士裴堪奏謹按舊儀嶽  
瀆以祝版御署訖北面再拜証聖元年有司上言曰伏以  
王者父天而母地兄日姊月於禮應有再拜之儀謹按五  
嶽視諸侯之禮其日月以上請依舊儀五岳以下署而不  
拜制可至元修禮五岳四瀆皇帝無親祭禮儀其祝文皆  
云嗣天子某謹遣某官敢昭告于某岳某瀆之神讀訖皆  
中再拜祭五龍神位云獻官再拜此則有司行事皆有拜  
文今臣與礼官等通詳典制整辦所宜聞礼擬於時議  
則求古無文可質正者則推類以明之臣愚以為三才之  
尊各申所極尊有所統禮亦宜差若無比視何以辨等故  
禮云五岳視三公四瀆視諸侯其餘山川視伯子男議者  
以岳瀆既比公侯則礼如人臣矣其於祭也則以君不合

有拜臣之儀謹按五經通義云星辰月五岳四瀆皆地之別神從官也因郊而祭者緣天地之意亦欲及之也又禮記云非其臣則答拜鄭玄主云不臣人之臣也則星辰嶽瀆既是天地從官恐人君不得如公侯之禮而臣下之也何以言之王者父天母地兄日姊月星辰視昆弟岳瀆視公侯以此明之星辰岳瀆是天地之臣也秩視大臣也陛下與天地為子遣使申祭恐不合令受天父地母從宮之拜宜有以答之故開元禮祭岳瀆祝文皇帝稱名又云謹遣於義有必拜之文是國家著禮以明神為敬不以臣下為禮以臣等所見並請依証聖元年定制有司行事須申拜禮

前代帝王

顯慶二年七月十一日太尉長孫無忌議曰謹按祭法云聖王之制禮也法施於人則祀之以死勤事則祀之以勞定國則祀之能禦大災則祀之能捍大患則祀之又堯舜禹湯文武皆有功烈於人及日月星辰人所瞻仰非此族也不在祀典准此帝王今與日月同例常加祭享義在報功爰及隋代並尊師典其漢高祖祭法無文但以前代及今多行秦漢故事始皇無道所以棄之漢高祖章法垂於後自隋以上亦在祠例大唐稽古垂化罔羅前典唯此一禮咸秩未申今新禮及今無祭先代帝王之文今請聿遵故定修附禮文令三年一祭仍以仲春之月祭唐堯於平陽以契配祭虞舜於河東以臯配祭夏禹於安邑以伯益配祭殷湯於偃師以伊尹配祭周文王于鄴以太公配祭武王于鎬以召公配祭

漢祖于長陵何配詔可麟德二年車駕東幸將封岱獄十  
一月至滎陽 祭紀信墓迨贈驃騎大將軍

開元二十一年正月一日詔自古聖帝明王岳瀆海鎮用

牲牢餘並以酒脯充奠祀其年十一月六日雲州置魏孝

文帝祠堂有司以時享祭州有魏故明堂遺趾

天寶二年三月二十八日追尊臯陶為德明皇帝涼武昭

王為興聖皇帝各與立廟每歲四季月享祭至寶應年禮

儀使杜鴻漸請停四時享獻三載五月二十二日置周文

王廟以同德十人四時配享六歲正月十一日勅三皇五

帝創物垂範永言龜鏡宜有欽崇三皇伏羲芒配神農祝

融軒轅以風后五帝少昊牧以蓐顓頊冥配高辛契以稷唐堯

和以義仲虞舜以夔其擇日及置廟地量事營立其樂器請

用宮懸祭請用少牢仍以春秋二時致享共置令丞令太

常寺檢校七載五月十三日詔上古之君存諸氏號雖事

先書契而道著皇王編懷厥功寧王咸秩其三皇以前帝

王宜於京城內共置一廟仍與三皇五帝廟相近以時致

祭天皇氏地皇氏人皇氏有巢氏燧人氏其祭料及樂請

准三皇五帝廟以春秋二時享祭歷代帝王肇跡之處未

有祠宇者所由郡置一廟享祭仍取當時將相德業可稱

者二人配享夏禹王都安邑今夏縣以虞伯殷王湯都亳

今穀縣以阿衡伊周文王都鄴今咸陽縣先有廟以師周

武王都鎬請入文王廟同享太師周公大秦始皇帝都咸

陽承相李斯將漢高祖起沛今彭縣太傅張後漢光武

皇帝起滎陽軍王翦配魏武皇帝都鄴尉鍾繇配太

臺灣國家圖書館, NATIONAL CENTRAL LIBRARY, TAIWAN, R.O.C.

武帝都故洛陽空張華大後魏道武皇帝起雲中長孫  
高尚書崔周文帝起文翔尚書蘇焯大隋文帝封隋漢東  
軍射高類大將令郡縣長官春秋二時擇日染盛蔬饌時  
某配酒脯潔誠致祭其忠臣義士孝婦烈女史籍所載德  
行彌高者所在宜置祠宇量事致祭殷相傳說汲殷太師  
箕子汲宋公微子睢陽殷少師比干汲齊相管夷吾濟南  
晉卿羊舌叔向絳郡魯卿季孫行父魯郡鄭卿東里子產滎陽  
燕上將軍樂毅上谷郡趙卿藺相如趙郡楚三閭大夫屈原沙  
郡漢大將霍光平陽郡漢太傅蕭望之萬年縣漢丞相邴吉魯  
蜀丞相諸葛亮南陽郡以上忠臣一十六人周太子吳太  
伯吳郡伯夷齊郡齊並河郡吳延陵季札丹陽郡魏將段干木陝齊  
高士魯仲連濟南郡楚大夫申包胥富水郡漢將軍紀信華陽郡

以上義士八人周太王妃太姜新平郡周王季妃太任扶風郡

周文王妃太姒張安縣配享魯大夫妻敬姜魯郡鄒孟軻母

魯陳宣孝婦睢陽郡曹世叔妻大家扶風郡以上孝婦七人周

宣王齊姜長沙郡衛太子恭姜汲郡楚莊樊姬富水郡楚昭王女

富永宋公伯姬睢陽梁宣高行陳留齊杞梁妻濟南趙

將趙括母趙郡漢成帝班婕妤扶風郡漢元帝馮昭儀咸陽郡漢

太傅王陵母彭城郡漢御史大夫張湯母萬年縣漢河尹嚴延

年母陳海漢淳于緹縈濟南以上烈女一十四人並令郡

縣長官春秋二時擇日准前致祭歷代帝王廟每所差側

近人不課戶四人有關續填仍關戶部處分至十二載七

月二十八日有勅停廢九載十一月十六日周武王漢高

祖於京城內置一廟并置官吏

正德二年八月道士李國正奏皇室仙系修崇靈路請於  
昭應縣南三十里小項置天華上宮露臺天地三婆父皇  
道君大古天皇中古伏羲媧皇等祠堂并置洒掃宮戶一  
百人又於縣之南義扶國故湫置祠堂並許之昭應縣令  
梁鎮上疏其畧曰天地婆父祀典無文言甚不經義無可  
取若陛下特與天地祖宗之廟必上天貽向背之責又夫  
湫者龍之窟也龍得水則神無水則蝼蟻之匹也故知水  
存則龍在水竭則龍亡今湫竭已久龍安所存何必崇飾  
祠宇豐潔奠其三皇五帝則兩京及所都之處已建宮  
觀祠廟時設齋醮饗祀其湫既竭不可更置祠堂又不當  
更為天地建立祖宗廟臣並請停其三皇道君天皇伏羲  
媧皇等既先各有廟望於本祠依禮齋祭制曰可

大曆五年四月廊坊節度使臧希讓上言坊州軒轅皇帝  
陵闕請置廟四時饗祭列於祀典詔從之

永泰二年五月詔道州舜廟宜蠲近廟兩京充掃除從刺史元

結所請也元和十四年正月勅周文王武王祠宇在咸陽縣宜令有  
司精加修飾

天祐二年六月十五日封楚三閭大夫屈原為昭靈侯舜  
帝二妃祠為懿節祠

### 龍池壇

開元二年閏二月詔令祠龍池六月四日右拾遺蔡孚獻  
龍池篇公卿以下一百三十篇太常考其詞合音律者  
為龍池篇樂章共錄十首紫微令姚元崇右拾遺蔡季太  
府少卿沈佺期黃門侍郎盧懷

慎殿中監姜皎吏部尚書崔日用紫微侍郎蘇頲黃門十  
侍郎李義工部侍郎姜晞兵部侍郎裴崔等文為樂章十  
六年詔置壇及祠堂每仲春將祭則奏之十八年十二月  
二十九日有龍見於興慶池因祀而見也勅太常卿韋縮  
草祭儀縮奏曰臣謹按周禮以鬻辜祭四方百物祭發曰  
能出雲為風雨者皆曰神龍者四靈之畜亦百物也能為  
雲雨亦曰神也禮有公食大夫饗食之文即生曰食亦曰饗  
矣其饗之日合用仲春之月易曰震為龍震者東方春用  
於時二月也饗之法請用二月有司筮日池傍設壇官致  
齋設籩豆如祭雨師之儀以龍致雨也其牲用少牢樂用  
鼓鍾奏姑洗歌南呂鄭玄云風師雨師及小祀用此樂凡  
六變者三變而致鱗物今享龍亦請三變舞用 舞樽用  
散酒以一獻周禮曰凡祭郡小祀用之也詔從之

二十三年五月一日宗子請率月俸於興慶宮建龍池聖  
德頌以紀符命望令皇太子中書令張九齡禮部尚書李  
林甫充檢校使從之五日宗子請令寧王憲題額侍中裴  
耀卿充摸勒使至天寶二年五月五日又皇建立殿中  
監衷信王璆撰文皇太子書并題額  
正元六年六月復祭五龍壇  
元和十二年四月上以自春以來時雨未降正陽之月可  
雩祀遂幸興慶宮堂祈雨忽有一白鸕鷀浮沉水際群類  
翼從左右咸異之俄而不見方悟龍神之變化遂相率蹈  
舞稱慶後大雨果下

唐會要

第六冊

臺灣國家圖書館, NATIONAL CENTRAL LIBRARY, TAIWAN, R.O.C.



唐會要卷第二十三

武成王廟

武成王廟  
牲牢

寒食拜掃  
忌日

緣祀



開元十九年四月十八日兩京及天下諸州各置太公廟  
一所以張良配享春秋取仲月上戊日祭諸州賓貢武舉  
人准明經進士行鄉飲酒禮每出師命將辭訖發日便就  
廟引辭仍簡取自古名將功成業著弘濟生人准十哲例  
享至乾元元年九月十二日太常少卿于休烈奏臣一  
因秋享漢相廟見傍無侍臣享太公廟有張良在側伏  
以子房生於漢楚羽奉高祖坐籌帷佐天下考其年代不  
接太公自古配食廟庭陪葬陵寢皆取當時佐命同受哀



崇太公人臣不合以張良配享請移於漢祖廟勅旨依  
上元元年閏四月十九日勅文定禍亂者必先於武德極  
生靈者諒在於師正昔周武創業克寧區夏惟師上父實  
佐興王况德有可師義當禁暴稽諸古昔爰崇典禮其太  
公望可追封為武成王有司依文宣王置廟仍委中書門  
下釋古今名将准文宣王置亞聖及十哲等享祭之典一  
同文宣王至建中三年閏正月二十五日禮儀使顏真卿  
奏武成王廟用樂臣伏以自太公封武成王追封之禮與  
諸侯王召位義同廟庭用樂合准諸侯之數今請每至釋  
奠奏軒懸之樂勅旨宜付所司至七月十一日史館奏伏  
表今年五月十五日勅武成王廟配享人等宜令史館參  
詳定名聞奏者又准開元十九年四月勅宜揀取自古名

將十人充十哲漢太子少傅張良先以配享齊大司馬田  
國君樂毅秦武安君白起漢淮陰侯韓信蜀丞相諸葛亮  
尚書右僕射衛國公李靖司空英國公李勣丞相諸葛亮  
七十二弟子齊將孫臏趙相國范蠡趙將信平君燕趙奢  
大將軍武安君李牧秦將王翦漢相平陽侯趙盾趙盾  
越古丞相絳侯周勃秦尉條侯周亞夫大司馬冠將軍霍  
去病大將軍長平侯衛青後將軍趙充國前將軍霍  
李廣後漢太傅高密侯鄧禹好時侯耿弇執金吾冠侯  
軍膠東侯馮異建威將軍鄧禹好時侯耿弇執金吾冠侯  
魏太尉鄧艾征東將軍關羽車騎將軍張遼太尉魏里侯  
蜀前將軍南都太守侯雲龍呂蒙將軍西鄉侯張飛南郡  
守周瑜南都太守侯雲龍呂蒙將軍西鄉侯張飛南郡  
征南將軍南都太守侯雲龍呂蒙將軍西鄉侯張飛南郡  
軍襄陽侯王濬大尉長沙鎮南侯陶侃北齊武陵侯檀道濟  
前秦丞相王猛前燕太宰慕容恪高北齊武陵侯檀道濟  
征虜將軍王鎮惡後魏太尉長孫高祖高北齊武陵侯檀道濟  
容紹宗右丞相威陽王斛律光長孫高祖高北齊武陵侯檀道濟  
南平公吳明徹隋尚書令趙國公楊素右武侯將軍鄂國尉遲公敬德右  
公賀若弼上柱國新義公韓擒虎上柱國尉遲公敬德右

武衛大將軍利國公蘇定方禮部尚書聞喜縣公裴行儉  
夏官尚書王孝傑佐武大將軍韓國公張仁重兵部尚書  
中山郡公王暉兵部尚書代國公郭元振  
太尉臨淮王李光弼太尉汾陽王郭子儀

天寶六載正月勅鄉貢武舉人上省先令謁太公廟每拜  
大將及行師尅捷亦宜告捷

貞元二年二月刑部尚書知刑定閔播奏上元詔擇古今  
名將十人於武成王廟配饗如文宣廟之儀伏以太公古  
稱大賢今其下置亞聖賢之有聖於義不安且孔門十哲  
皆是當時弟子今所擇名將年代不同於義既乖於事又  
先臣請刪去名將配享之儀及十哲之稱從之四月詔武  
成王廟樂章並未奏撰宜令于邵等撰進四年八月十三  
日兵部侍郎李紆奏准開元十九年勅置廟以張良配享  
准式以太常卿少卿丞等充三獻官祝文云皇帝遣某官

敢昭告于至上元元年追贈為武成王享祭之典一同文  
宣王有司因差太尉充獻蕪進祝版親署臣以今月三日  
蒙差攝祭方觀廟儀伏以太公即周之太師張良漢之少  
傅聖朝列於祀典已極應崇載在祠詞必資折衷理或過  
當神何敢當今者屈禮於至尊施敬於臣佐每謂御署並  
稱昭告于上下之祭竊謂非宜一同文宣王恐未為允臣  
以為文宣王垂教百代宗師五常三綱非其訓不明有國  
有家非其制不立故孟軻稱有生人以來一人而已由是  
正素王之法加先聖之名樂用功懸獻差太尉尊師崇道  
雅合正經且太公述作止於六韜勲業形於一代豈可擬  
其盛德均其殊禮哉前件祝文請自今更不進署其敢昭  
告請准式差太常卿以下詔令百寮集議聞奏蕪大理卿

于頔等四十六人議同李紆尚書右司侍郎中嚴況等議  
曰謹按李紆所奏援引訓典比量禮度祝文輕重之殺獻  
官尊卑之節誠至當矣推而廣之抑未盡也夫人名徽號  
先聖所以褒前哲令德之人謂其言可以範圍其行可以  
施百代其業可以振千古苟未至也則不虛美其於太公  
兵權竒計之人耳當殷辛失德八百諸侯皆歸於周時惟  
鷹揚以為任命在周有大功矣於殷謂之何哉祀典不云  
乎法施於人則祀之如仲尼之祖述堯舜憲章文武刪詩  
書定禮樂使君君臣臣父父子子後王及學者皆宗師之  
可謂法施於民矣貞觀中以其兵家者流始令礪溪立廟  
開元中漸著上戊釋奠之禮其於進寵不為薄矣上元之  
際執事者苟以兵式之急遽尊武成封王之號擬議於文

宣王優劣萬殊不可以訓禮不云乎擬人必於其倫太公  
之於聖人非倫太史公以韓非與老子同傳人到于今非  
之高祖封韓信為侯自耻於絳灌等列况聖朝褒美之稱  
其可雷同乎愚以為宜去武成及王字依舊令為齊太公  
廟人無間言矣享獻之事餘依李紆所奏刑部員外郎陸  
淳等六人議曰臣聞統天下者禮法也救天下者權數也  
拯難者常以權變禮以數易法有國者則尚德而賤數尊  
禮而晦權何者禮法行則人安其分務於修身權數騁則  
人思變常務於苟得安其分理之源也思變常亂之本也  
故救一時之弊者事不可貽於將來垂萬世之法者道必  
不行於當代切以武成王殷臣也見紆之暴不能諫而佐  
武王以傾之於周則社稷之臣矣於殷謂之何哉且夫尊

其道者必師其人必尚其行使天下之人入是廟也登是堂也稽其人可以思見師其道所由致法則俾夫立節死義之士安所措其心乎聖人所以尊堯舜賢夷齊不法桓文不贊伊呂先之以敬讓尊之以禮樂蓋謂此也使武成之名與文宣為偶權教之畧與道德齊衡恐非不刊之典也臣愚謂宜罷上元追封立廟之制依貞觀於磻溪置祠令有司以時享奠斯得禮之正也左領軍大將令狐建等二十四人議曰當今兵革未偃宜崇武教以尊古重忠烈以權今欲有貶損恐非激勸之道也追尊王位以時祠之為武教之主若不尊其禮則無以重其教也文武二教固同並立廢亦不可况其典禮之制已歷二聖今欲改之恐非其宜也至九月十六日有勅以上將軍以下充獻官餘

依李紓所奏

天祐二年八月十三日中書門下奏遷都以來武成王廟先來置立今請改為武名王選地建造其制度配享皆准故事從之

寒食拜掃

龍朔二年四月十五日詔如聞父母初亡臨喪嫁娶積習日久遂以為常亦有送葬之時共為歡飲遞相酬勸酣醉始歸或寒食上墓復為歡樂坐對松楸曾無戚容既玷風猷並宜禁斷

開元二十年四月二十四日勅寒食上墓禮經無文近代相得浸以成俗士庶有不合廟享何以用展孝思宜許上墓用拜掃禮於塋南門外奠祭撤饌訖泣辭食餘於他所

不得作樂仍編入禮典永為常式  
二十九年正月十五日勅凡庶之中情禮多闕寒食上墓  
便為燕樂者見任官典不考前資殿三年白身人決一頓  
貞元四年正月詔比來常參官請假往東郊拜掃多曠廢  
職事自今以後任遣子弟以申情禮  
元和三年正月勅朝官寒食拜掃又要出城並任假內往  
來不須奏聽進止  
長慶三年正月勅寒食掃墓著在令文如聞比來妄有妨  
阻朕欲令群下皆遂弘誠自今以後文武百官有墓塋域  
在城外并京畿內者任往拜掃但假內外來不限日數有  
因此出城假開不到者委御史臺勾當仍自今以後內外  
官要親親於外州及拜掃並任准令式年限請假

大和三年正月勅文武常參官拜掃據令式五年一給假  
宜本司准令式處分如登朝未經五年不在給假限八年  
八月勅釐革應緣私事並不許給公券今臣等商量唯寒  
食拜掃著在令式銜乘驛以表哀榮遽違聖旨重頒新  
命其應緣私事及拜掃不出府界假內往來者並不在給  
券限庶存經制可以遵行從之

開成四年二月中書門下奏常參官寒食拜掃奉進止准  
往例給公券者臣等謹按舊制承前常參官應為私事請  
假外州往來並給券牒

緣祀裁製

舊儀每祭籩豆之數各異至顯慶二年始一例大祀籩豆  
各十二中祀各十小祀各八

舊儀注大祀中祀並前七日十日小祀並前五日筮日皆於太廟南門之外卜吉而行之其遇廢務日並不迴避貞元十五年十二月一日太常卿齊抗等奏每年大中小祀都七十祭其四立二分二至臘上辛吉亥等日蓋為氣節也其後寅後申後亥後丑等日蓋謂星次也伏以氣行有時刻星位有次舍或定用日或定用辰不可改移請依舊制其或有別禱祭即是太卜署擇日並請准四月六日勅廢務日不用遂為典故

舊儀注無日蝕廢祭之文元年建丑月祠部奏曰來年建寅月一日祈穀祀昊天上帝是月司天臺預奏其日太陽虧時禮儀使于休烈奏曰臣謹按曾子問曰當祭而日食其祭也如之何夫子曰按祭而已矣牲至未殺則廢漢初

平四年正月當祭南郊日蝕又行冠禮博士孫興八座議以為正月元日太陽虧而冠有裸享之禮金石之樂是為聞災不肅見異不怵惕也望陛下太常別擇日其二日祭太一准禮儀物同祠所既緣日蝕各守本司亦望同下太常更擇日制曰可

舊制每歲大中小祀凡七十九祭皆尅定日辰著於祀典其與本文相當則祭更不卜日三十四祭准禮但言時月不定日辰太卜署至時擇日

### 正月一十二祭

上辛祈穀祀昊天上帝于圓丘祀前二日祭高祖一室立春日祀青帝于東郊亥日享先農於東郊立春後丑日祀風師於國城東北立春日祭東岳天齊王東鎮東安公東

海廣德王東瀆長源公以上准禮令薦獻太青宮饗太廟  
祀九宮貴神於東郊以上至

二月十祭

上丁釋奠文宣王上戊釋奠武成王春分祀朝日於東郊  
社日祭太社太稷以上准禮祭五龍坛登馬祖開水井祭  
司寒之神祭東冰并西水井享文敬太子惠昭太子廟並  
同日以上至

四月十祭

立夏日祀赤帝於南郊立夏後申日祀雨師雷師於國城  
西南立夏日祀南岳司天主南鎮永興公南海廣利王南  
瀆廣利公以上著薦獻太青宮享太廟雩祀昊天上帝于  
圓丘祀前二日告太宗一室以上至

五月四祭

夏至日祭皇地祇于方丘祭前二日祭太宗一室以上著  
祭先农享文敬太子惠昭太子廟以上至

六月四祭

季夏土王日禮黃帝於南郊同日祭中雷中岳中天王以上  
著期是月復祭廣德王

七月八祭

立秋日祭白帝於西郊立秋後辰日祀靈星于國城西南  
立秋日祭西岳金天王西鎮成德公西海廣潤王西瀆靈  
源公以上著薦獻太清宮饗太廟以上至

八月八祭

上丁釋奠文宣王上戊釋奠武成王秋分祀夕月於西郊

社日祭太社太稷以上著祭馬祖饗文敬太子惠昭太子廟時卜日

九月二祭

季秋大饗明堂饗前二日告憲宗一室以上著

十月十祭

立冬祀黑帝於北郊立冬後亥日祀司中司命司人司祿於國城西北立冬日祭北岳安天王北鎮廣寧公北海廣澤王北瀆清源公以上著薦獻太清宮享太廟祭神州地祇於北郊祭前二日告高祖一室以上著

十一月六祭

冬至日祀昊天上帝于圓丘祀前二日告太祖一室以上著期貢舉人謁先師祭馬步掌文敬太子惠昭太子廟以上著

日卜

十二月六祭

寅日禘祭百神于南郊卯日祭太社太稷辰日臘饗太廟

奏祥瑞以上著定日期季冬太清宮奏祥瑞藏冰祭司寒東冰井

西冰井並同日用以上著時卜日

開元九年六月五日太常奏曰伏准唐禮祭五岳四瀆皆稱嗣天子祝版皆進署切以舜典五岳視三公四瀆視諸侯則不合稱嗣天子及親署其祝文伏請稱皇帝謹遣某官某敬祭于某岳瀆之神從之

二十三年正月七日勅承前所給明衣多於齋夕付物既不先造徒有其名自今以後明衣絹布並祠前五日先給傳監祭使具點閱仍永為常式至大歷六年十一月二日



勅自今以後五品以上及監察御史太常博士宜准式給  
明衣絹及浴中餘准常例其布絹支左藏庫青苗物充其  
月二十日詔自今以後有大祭宜差丞相特進少保少傅  
尚書賓客御史大夫扞行事至天寶七年六月八日勅自  
今以後每差攝祭官宜令吏部揀擇朝廷有德望者充  
天寶五載五月專知祠祭使王琬奏諸色祭官等並寬縱  
日久不惧刑憲當祭之日或逢泥雨或值節序盡皆請假  
曾無形迹今後臣皆私自察訪寔無事故妄請假及不肅  
敬者錄名奏聞望加貶責應緣行事或稍後到小疎遺望  
請量事大小便牒所司奪其俸祿勅旨從之九載十一月  
三日制曰春秋祭享用存昭敬祝史陳信必在正辭苟名  
位之或乘於上下而非便承前有事宗廟皆稱告享茲乃

臨下之辭頗乖尊上之義靜言斯稱殊不為允自今以後  
每親告享太清太微宮改為朝獻有司行事為薦享諸  
陵改為朝拜有司行事為拜陵應緣諸事吾宗廟者並改  
為奏其郊天后土及諸祀祝文云敢昭告並改為敢昭薦  
以為告者臨下之制故也式崇變禮庶表心宣事中外  
令知朕意其載四月二十九日制頃者每祀黃帝乃就南  
郊義寔有乖禮亦非便稽諸體式理固不然宜於皇城內  
西南就坤地改置黃帝壇朕當親禮以昭誠敬仍令中書  
門下與禮官等更深詳定聞奏至十一月三日詔禮神以  
玉奠取其誠精潔表心溫潤合德自馮紹正奏後有司用  
珉禮所謂君子貴玉而賤珉不可用也况國家之富有萬  
方之助祭宣於天地宗廟奠玉有虧自今以後禮神大器

宗廟奠玉並有真玉諸祀用珉如以玉難得大者寧小其制度以取其真

寶應二年五月四日吏部尚書列晏奏諸色祠祭委禮儀使撰禮科為常式祭前點檢祭器及饌物明衣有不在者所由量事科決其行事官若出齋宮及不列明衣及科不得妄制曰可

上元元年四月赦文有司所立秘祝之法式移於歲或移於人君人之心寧所忍也自今以後削去其法其中祀下祀并雜祭禮等一切停其諸應合祭禮列於常典所用祭料一依古制務從減省以副朕心至正元年二月十七日太常卿崔縱奏立春後丑日祀風師立夏後申日祀雨師立秋後辰日祀靈星立冬後亥日祀司中司命司人司祿

准上元元年制中祀小祀一切權停至永泰二年有勅優風師雨師其靈星司中司命等壇至今猶廢勅旨靈星等壇宜令所司准開元禮配享

大曆七年八月禮儀使楊綰奏祀官祀前一日從齋所集於太常寺一時赴祭所如祭在皇城內者則不集制從之仍永為常式至十四年六月十八日大內皇城留守張景所奏得御史臺牒景風安上等門每至祠祭日緣祭言到尚書省授誓誠了赴朝准舊例合早開又准監門式皇城門無文早開勅旨自今以後祠祭授誓誠官其日既赴尚書省不須入朝貞元六年正月詔書官有私喪公除者聽赴宗廟之祭初御史監察者闕白禮凡有緦麻以上喪不得饗薦於是吏部奏申明曰令使行之可守凡有祿服既

葬公除及聞哀 滿者請許告服赴宗廟之祭其同宮未  
葬雖公除者請依前禁之輕重有倫以一王法從之  
八年七月將作監元亘當攝太尉薦祭享昭德皇后廟以  
私其忌日不受誓戒為御史劾奏令尚書與禮官法官集  
議於是尚書左丞相盧邁等奏曰謹按禮記玄大夫士將  
奉祭於公既視濯於父母死猶是奉祭也又按唐禮散齋  
有大功喪致齋有周親喪齋中疾病則還家不奉祭祀皆  
無忌日不受誓戒之文雖假寧令忌日有給假一日春秋  
之義不以家事辭王事今一旦以假寧常式而廢攝祭新  
命酌其輕重誓誠則祀之嚴校其禮式忌日乃循常之制  
詳求典據緣薦獻不宜以忌日為辭由是亘坐罰  
元和三年四月太常禮院上言太廟時饗乃告廟朔望薦

食同日謹按禮經不欲數伏以太廟禘祫祭禮重於時饗  
准禮時享與禘祫同月即其月但行禘祫不行時享蓋不  
欲煩是禮先重者今時享重於朔望薦食詳求禮情參酌  
輕重於是享之月其朔望薦食亦合便停若兩禮兼行即  
祭恐煩黷伏請每至時享及臘享但行享禮其月朔望薦  
食請停餘月一准舊例如告廟日與朔望薦食日同伏請  
先行告禮然後薦食即冀踈數有節合於禮中從之  
長慶二年十一月監察使監察御史蘇景胤奏祠祭稱定  
出齋宮等舊例准廟參不到四品以上罰二十文五品以  
上罰一十文伏緣所罰稍輕更請加罰詔曰郊廟之儀本  
於恭恪罰輕生慢須議稍加自今以後有臨祭出齋者宜  
罰一月俸仍委監察使每具所罰官名銜聞奏

大和九年十一月兵部尚書判太常卿充禮儀詳定使王起請創造禮神元寶玉奏議曰邦國之禮祀為大事拜璧之儀經有前規謹按周禮祀天地四方以蒼璧禮夫黃琮禮地青珪禮東方赤璋禮南方白琥禮西方玄璜禮北方又有四珪有邸以禮天兩圭有邸以祀地圭璧以祀日月星辰凡此九品器皆禮神之玉也又云以裡祀昊天上帝鄭玄云裡煙也為玉幣祭訖燔之而升煙以報陽也今與開元禮儀同此則焚玉之驗也又周禮掌國之壬鎮太室器若夫祭訖事而藏之此則收玉之証也梁代崔靈恩撰三禮義宗玄凡祭天神各有二玉一以禮神一則燔之禮神者訖事却收祀神者與牲俱燎則靈恩之義合於禮經今國家郊天地祀神之玉常用禮神之玉則無臣等請下

有司精求良玉創造蒼璧黃琮等九器祭訖則藏之其燎玉即依常式從之

牲牢

武德元年十一月九日詔祭祀之本皆以為身窮民事神有乘正直殺牛不如禴祭明德即是馨香望古推今民神一揆其餘圓丘方澤宗廟以外並可止用少牢舊用者宜用特牲待時和年豐然然克修常禮

開元二十二年正月一日勅自古聖帝明王岳瀆海鎮祭用牲牢餘並以酒脯充奠

天寶三載閏二月勅祭必奉牲禮有婦胙非將興施惠之教以廣神明之福此來昨肉所進頗多自茲以後即宜少進仍分賜祭官及應入衙常參官厨共食

六載正月赦文祭祀之典犧牲所備將有達於虔誠蓋不  
資於廣殺自今以後每大祭祀應用駢犢且令所司量減  
其數仍永為常式其年起請天地合祭四時各用二犢五  
常迎氣各用一犢冬至圓丘用一犢夏至方澤用一犢九  
官貴神四時祭每祭各用一犢神州用一犢太廟五享每  
用一犢東京准上文宣王三祭每祭各用一犢東京三祭  
五獄每載一祭每用一犢右授舊料每載用犢五百一十  
四頭今請減一百六十五頭既用三十九頭餘祠享並請  
停用犢至上元二年九月二十二日赦文國之大事郊祀  
為先貴其至誠不美多品黍稷雖設猶或非馨牲牢空多  
未為能享圓丘方澤任依常式宗廟諸祠但臨時獻熟用  
懷明德之馨庶合西隣之祭其年起請昊天上帝太廟各

大牢一羊豕各三餘祭隨事而供

太廟羊豕  
舊各九頭

大曆六年十二月三日勅五方上帝九宮並大祠朝日夕  
月百神太社先農釋奠並中祠自今以後太社用犢中祠  
用猪羊各一委所司支給送太常寺入滌其副准前  
正元十八年五月太僕奏每年四季送太常入滌羊犢送  
後或稱暴死准式埋訖

真偽難明伏以

犢甚難擇揀如有病死者望還太僕即准數送替莫易辨  
明永為常式制曰可

忌日

貞觀十九年太宗親征高麗以五月五日行以遼陽既屬  
高祖忌日八座奏吉臣等謹按礼云君子有終身之憂而  
無一朝之樂此所謂星迴歲改親沒同辰思其居處不為

樂事今陛下親御六軍已登寇境庶務繁擁伏侍制決可  
以尊先聖之常經畧近代之一志望請所有軍機要切百  
司依式聞奏手詔荅曰今既戎於大軍事不可失在機速  
所以仰順古風俯從今請神功元年七月清邊道大總管  
建安王攸宜破契丹凱還欲以是日詣闕獻俘內史王及  
善以為軍將入城例有軍樂今既國家忌月請備而不奏  
鳳閣侍郎王方慶奏曰臣按禮經但有忌日而無忌月晉  
穆帝納后用九月其月是康帝忌月于時疑不定下太常  
禮官苟訥議稱只有忌日無忌月若有忌月即有忌時忌  
歲益無禮據當時從訥所議軍樂是軍容與常樂不等臣  
謂振作於事無嫌

正元五年八月勅天下諸州並宜國忌日准式行香十

二年五月詔先聖忌辰終經叙慰戚里之內固在肅恭而  
乃遽從燕遊飲酒作樂既乖禮法須有所懲前邠州長史  
郭煦宜於表州安置前南郭縣尉郭暄於柳州安置曹自  
慶配流永州其駙馬郭暖王仕平仍令勒歸私第先是初  
經代宗忌辰駙馬諸親悉請銀臺奉慰及迴王仕平遂邀  
駙馬郭暖張昭賢張怙及暖女婿嗣許王昭暖堂弟煦暄  
用教坊音聲入曹自慶並於宅中飲樂上怒之固有此詔  
尋亦許暖及士平出入

永貞元年十二月中書門下奏昭成皇后實氏按國史長  
壽二年正月二日崩其時緣則天臨御用十一月建子為  
歲首至中宗後舊用夏正即正月行香廢務日須改正以  
十一月二日為忌

元和元年正月修撰官太常博士常公肅上疏曰准禮無  
忌月禁樂今太常及教坊以正月是國家忌月停習郊廟  
享宴之音中外士庶咸罷慶樂伏尋經典切恐乖宜臣謹  
按禮記有忌日不樂無忌月之文漢魏以降代襲斯旨准  
晉穆帝將納后以康帝忌月下議禮官荀訥王洽曹耽王  
彪之並當時知禮者皆稱有忌日無忌月若有忌月即有  
忌時忌歲益無禮據時從其議伏以仍前所禁皆有二十  
五月之中今既逾遠禮須改革臣又聞統人立法必守先  
王之常經企及俯就不違聖哲之明訓下盡群言上留玄  
鑒不以私懷而踰於禮節又記曰禫月從樂明王制禮漸  
去其情不應以追遠而立禮反重也今太常停習郊廟之  
樂是及重而慢神有司禁中外之音是無故而去樂詳其

前典情理不倫考其沿襲又無所據僥陛下正因循之越  
度法經典之明文得禮之儀傳於史冊天下幸甚詔傳中  
書門下令召太常卿與禮官等學官詳議可否中書門下  
奏曰忌日太常寺及教坊悉停閱習中外士庶亦皆禁斷  
唯禮及歷代典故並無忌月禁樂請依常教習者勅旨宜  
依其士庶之家亦宜准此

開成四年十月戶部侍郎崔蠡奏臣頃於延英奏陳願有釐革陛  
師古聖心求理動法典章臣頃於延英奏陳願有釐革陛  
下令史官尋討起置無文昨日閣中再承顧問雖因循未  
變亦無損於盛朝而除去不經異流芳於異日勅旨朕以  
郊廟之禮奉在祖宗備物盡誠庶幾昭格恭惟忌日之感  
所謂終身之憂而近代以來歸依釋老徵二教而設食會

百辟以行香將以仰奉聖靈冥資福祐有異皇王之術頗  
乖教義之宗昨因崔彛奏論遂遣討尋本末經文令式曾  
不該載世俗因循雅重釐革其京城及天下州府國忌日  
寺觀設齋行香起自今以後並宜停其月御史臺奏請國  
忌日天下依舊不舉樂不視事不鞭笞伏以道釋二教漫  
澶虛無陛下靡所歸依誠契至理但以列聖忌日行香及  
茲修崇示人廣孝兼以天下州縣不舉樂不視事不鞭笞  
以此海內蒼生常知列聖廟號令既停罷行香之後勅內又  
無其日徹樂廢公止行如舊之文伏恐遐遠之地述其  
所向便與居常之日率皆無殊臣思此事終闕聖慮禮曰  
君子有終身之憂而無一朝之患故忌日不樂謂不舉吉  
事也伏願陛下 睿留想若以設齋資福事稍不經起今

罷之已有詔旨其日天下州縣不舉音樂不視公事不行  
鞭笞伏請重下明制依前遵守則凡在遐陬逮于蠻貊不  
忘廟號有禪孝禮之源勅旨設齋行香近已釐革道密停  
務自有典常臺司舉奏意在詳宥宜依至宣宗即位之初  
先以列聖忌辰行香既以合申冥助用 孝思其京城及  
天下州府諸寺觀國忌行香一切仍舊

大和七年二月勅准令國忌日唯禁飲酒舉樂至於科罰  
人吏部無明文但緣其日不合釐務官曹即不得決斷刑  
獄大小皆責在禮律固無所妨起今後縱有此類臺府更  
不要舉奏均王傳王堪男損國忌日於私第決  
十五年五月太常禮院奏睿宗神主祧遷其六月二十日  
忌并昭成皇后十二月二日忌准禮合廢從之



開成四年五月太常寺奏今月二十二日祀先農於東郊  
其日與穆宗皇帝忌日同大和七年十二月八日季冬蜡  
祭百神與敬宗皇帝忌日同准其年十二月六日勅近庙  
忌辰奏樂非便冬季蜡祭又不可移變禮從宜古有明  
據宜令其日懸而不樂庶叶典經今月二十二日祀先農  
欲准先勅懸而不樂從之

天祐二年八月八日太常禮院奏今月十三日昭宗皇帝  
忌其日百官閣門奏慰後赴寺行香請為永式從之

諱

武德九年六月太宗居春宮總萬幾不令曰依禮二名義  
不偏諱尼父達聖非無前者近代以來曲為節制兩字兼  
避廢闕已多率意而行有違詔令其官籍人名及公私文

籍有世及民兩字不連續者並不須避

永徽二年十月七日尚書左僕射于志寧奏言依禮舍故  
而諱新故謂親盡之祖今皇祖弘農府君神主上遷請依  
禮不諱從之

顯慶五年正月一日詔孔宣設教正名為首戴聖貽範嫌  
名不諱比見抄寫古典至於朕名或缺其點畫或隨便改  
換恐六籍雅言會意多爽九流通義指事全違誠非立書  
之本自今以後繕寫舊典文書並宜使成不須隨義改易  
延和元年賈曾除中書舍人固辭以父名忠同音議者以  
為中書是曹司名又與曾文音同字別於禮無嫌曾乃就  
職

永正元年十二月改淳州為蠻州睦州還淳縣為清溪縣

橫州淳風縣為從化縣淳于姓改為于以音與憲宗名同也論者以古不諱嫌名若禹與雨駟與區臨文不諱若文王名昌武王名發周詩曰克昌厥後又曰一之日觴發魯莊公名同春秋曰同盟于幽宣公名午書曰陳侯午卒之類是也今古時變故廣避焉初憲宗為廣陵王順宗詔下將冊為皇太子數日兵部尚書王詔上陳請改名紹本名與憲宗諱同時君子非之曰皇太子亦人臣也東宮之臣當請改耳奈何非其屬而遽請改名以避東宮豈為禮事上耶左司員外郎李蕃曰歷代故事皆因無經學之臣而失之卒不可復正多此類是時常貫之為監察御史名與東宮同獨不請改既而下詔以陸淳為給事中改名質充皇太子侍讀貫之不得已乃上疏改其名大臣溺於風俗

以為細事而不正之非故事也

開成元年十一月中書舍人崔龜從奏前發王府參軍宋昂與御名同十年不改昨日參選追驗正身改更稍遲殊戾勅旨宜殿兩選

會昌六年四月二十日勅中外官寮有名與御名同者及文字點畫相似今後即任奏改音韻相近文字點畫不同不在奏改之限

咸通十二年七月侍御史李谿以進狀內字與廟謂音同罰一季休復執奏曰臣按禮記不諱嫌名又職制律諸犯廟諱嫌名不坐注云若禹與雨謂聲同而字異也今若受罰是違典律乃免之

天祐元年九月二十九日中書門下奏太常寺止鼓兩字

敬上字犯御名請改曰肇從之

唐會要卷第二十三

唐會要卷第二十四

受朝賀

受朝賀 朔望朝參 常附廊下食 諸侯入朝 二五三恪

舊制元日大陳設門皇太子獻壽次上中書令奏諸州表黃  
禮部尚書奏諸蕃貢獻太史奏祥瑞戶部尚書奏諸州貢獻  
書令又與供奉官獻壽時殿上皆呼萬歲按舊儀闕供奉  
官獻壽禮但依位次立禮畢竟無拜賀開元二  
十五年李林甫草其舊儀奏而行之冬至亦然  
貞觀十三年十月三日尚書左僕射房玄齡奏天下太平

萬幾事簡請三日一臨朝詔許之至二十三年九月十一

日太尉無忌等奏請視朝坐日上報曰朕登大位日夕攷  
攷尤恐擁滯眾務自今以後每日常坐其後至永徽二年  
八月二十九日下詔來月一日太極殿受朝此後每五日

臺灣國家圖書館, NATIONAL CENTRAL LIBRARY, TAIWAN, R.O.C.

敬上字犯御名請改曰肇從之

唐會要卷第二十三

唐會要卷第二十四

受朝賀

受朝賀 朔望朝參 常附廊下食 諸侯入朝 二五三恪

舊制元日大陳設門皇太子獻壽次上中書令奏諸州表黃  
禮部尚書奏諸蕃貢獻太史奏祥瑞戶部尚書奏諸州貢獻  
書令又與供奉官獻壽時殿上皆呼萬歲按舊儀闕供奉  
官獻壽禮但依位次立禮畢竟無拜賀開元二  
十五年李林甫草其舊儀奏而行之冬至亦然  
貞觀十三年十月三日尚書左僕射房玄齡奏天下太平

萬幾事簡請三日一臨朝詔許之至二十三年九月十一

日太尉無忌等奏請視朝坐日上報曰朕登大位日夕攷

攷尤恐擁滯眾務自今以後每日常坐其後至永徽二年

八月二十九日下詔來月一日太極殿受朝此後每五日

臺灣國家圖書館, NATIONAL CENTRAL LIBRARY, TAIWAN, R.O.C.

一度太極殿視事朔望朝即永為常式  
顯慶二年二月太尉長孫無忌等奏以天下無虞請隔日  
視事許之

聖曆三年正月制朝官有期喪太功未葬不得朝賀  
神龍元年二月朝則天皇帝於上陽宮因勅每十日一朝  
左臺侍御史盧懷慎上表曰臣聞昔漢祖受命五日一朝  
太公於櫟陽宮今日陛下宣不欲為此乎臣度其事業與  
此有異夫漢祖起布衣登皇極有天下尊歸於父故行於  
此耳今陛下守文繼統嗣武開基奉三聖之休烈當千齡  
之寶命順天立極蓋曰其常不知何為更用此道遠自三  
五洎乎夏殷聖帝明王臣所覽見未有此用者陛下安所  
取哉臣聞事不思古匪設攸聞禮煩則黷抑其有義况應

天去提象終至二里餘騎不得行列車不得方軌於茲屢  
出假令愚人萬一有犯屬車之塵者陛下雖罪之何及縱  
使萬全亦非重慎之道也臣望陛下從今以後遵其內朝  
一則有暢於清溫二則無煩於出入敬慎之道誰曰不然  
必長至在辰元正布曆應天納祐行慶有期則願陛下備  
法駕周羽儀然後出朝亦示天下大禮也君常之日切願  
陛下思之其年四月二十七日上以時屬炎暑制令每隔  
日不坐右拾遺靳恒上疏諫曰臣聞昔漢制及支日亦通  
奏事又光武在軍躬自覽疏明帝撫運夜必讀書豈以四  
氣炎寒妨于政理况陛下紹登大位初啓中興六合之內  
莫不延首傾聽威恩未著忠信未孚勤勞者未達寃滯者  
未舉逋逃者未還浮偽者未息蒸之國用凋敝倉廩空虛

獄訟猶繁澆淳尚雜外逼兇調發木寧內切饑寒衣食  
不足人思陛下企望太平久矣陛下固宜兢業居安  
慮危絕嗜慾之源從清靜之化宵衣旰食以答蒼生之望  
簡賢任能以救蒼生之弊使天下翕然一變化俗柰何以  
其微熱遂闕一日萬幾之事六合之內家到戶說必謂陛  
下安其宮室重其宴閑忽於黎庶怠於聽政復何以達堯  
心於天下復何以垂令範於後代臣愚切為陛下有所嘆  
息

開元八年九月初正冬朝會宴見蕃國王臨軒設樂懸陳  
車輅備麾仗其朔日受朝儀注減半其年十一月十三日  
中書門下奏曰伏以十四日冬至一陽初生萬物潛動所  
以自古聖帝明王皆以一日朝萬國觀雲物禮之大者莫

逾是時其日亦祀圓丘皆令聽揖官行事質明既早日出  
視朝國家以來更無改易緣修新格將其日祀圓丘遂改  
用小冬日受朝若親拜南郊受賀須改既令揖祭理不可  
移伏請改正從之因勅自今以後冬日受朝永為常式至  
大寶三載十一月五日甲子冬至勅伏以昊天上帝義在  
尊嚴恭惟祭典每用冬至既於是日有事圓丘更受朝賀  
寔深兢惕自今以後冬至宜取以次日受朝仍永為常式  
至永泰二年十一月三日詔以十三日甲子冬至令有司  
祭南郊於含元殿受朝賀至建中二年十一月二十日初  
宜以冬至受朝賀

天寶六載十二月二十七日勅中書門下奏承前諸道差  
使賀正十二月早到或有先見或有不見其所賀正表但

送省司又不通進因循日久於禮全乖望自今以後應賀  
正使並取元日隨京官例序立便見通事舍人奏其表  
直送四方館元日伏下候一時同進勅旨依

大曆九年十一月八日勅故源王發引遷神廢冬至朝賀

十四年十二月三十日勅元日門下侍郎奏祥瑞宜仲至

正元四年十一月十三日中書侍郎李泌奏冬至朝賀請

准元日中書令讀諸方表勅旨宜依

建中元年十一月朔御宣政殿朝集使及貢士見自兵興

以來典禮廢墜州郡不上計內外不會同者二十五年至

此始復舊典州府計至者二年正月朔御含元殿四方

貢獻列為庭寔復舊例也

正元七年四月二十八日勅昔者聖賢仰觀法象因天地

交會之序為父子相見之儀沿襲成風古今不易王者制

事在於因人酌其情而用中順其俗而為禮成觀之義既

行父子之間資事之情豈隔君臣之際中思卿士自我為

初自今以後每年五月一日御宣政殿與文武百寮相見

京官九品以上外官因朝奏在京者并聽就列宜令所司

即量定儀注頒示仍永編禮式本以五月一日陰生臣子

因割是日朝見之儀初欲冕服道長君父道衰非善月也

政殿屬塗潦乃以常服御紫宸殿至元和三年四月詔

五月一日御宣政殿受朝賀禮儀停先是創有此禮自後

不載遂罷之九年正月朔上御製紫宸殿受朝賀賦退

觀伏歸營詩十一年十一月日南至不受朝賀以司徒馬

燧出葬故也  
會昌二年四月中書門下奏元日御含元殿百官就列唯

宰相及兩省官皆未索扇前立於檻欄之內及扇開便侍立於御前三朝大慶萬拜稱賀准宰相侍臣同列胄武夫竟不拜至尊而退酌於禮意事未得中臣等商量請御殿日昧爽宰相兩省官對班於香案前俟扇開通事贊兩省官再拜訖升殿侍立從之

咸通四年五月朔宴迴鶻於三清殿非常例也

### 諸侯入朝

貞觀元年十一月梁州都督竇軌請入朝上曰君臣共事情猶父子外官久不入朝情或疑懼朕亦須數見之間以人間風俗許令入朝至十五年正月上謂侍臣曰古者諸侯入朝有湯沐邑芻禾百車待以客禮漢家故事為諸州刺史郡守創立邸舍於京城頃聞都督刺史充考便至京

師皆賃房與商人雜居既復禮之不足必是人多怨嘆至十七年十月一日下詔令就京城閑防為諸州朝集使造邸第三百餘所上親觀焉至永淳二年閏中飢乏諸州邸舍漸殘毀至神龍元年司農卿趙履溫希規備要奏請出賣並盡至建中元年十月二十九日勅每州邸第令本州量事依舊營置至二年五月十四日戶部奏若令州府自買事又煩費伏請以官宅二十所分配共住過事却收勅旨宜依二十年有司上言按漢儀注朝賀正月常一王四侯十餘歲一至又按史記諸侯王朝凡四見留長安不過二十日今諸王入朝者甚多非謂示之簡要弘之禮節既乖古制有戲前典臣請每歲二王入朝禮畢還藩敢以義請從之



顯慶二年十二月勅諸都護刺史入朝日及新授未辭因使在京朝會一事以上並同京官

先天二年十月勅諸蕃使都府管羈縻州其數極廣每州遣使朝集頗成勞擾應須朝賀委當蕃都督與上位及管内刺史自相通隔明為次第每年一番令一人入朝給左右不得過二人仍各分頒諸州貢物於都府點檢一時錄奏開元八年十月勅諸督刺史上佐每年分蕃朝集限十月二十五日到京十一月一日見其年十一月十二日勅諸州朝集使長官上佐分蕃入計如次到有故判司代行未經考者不在禁限其員外同正員次正官後集十四年二月勅嶺南五府管内郡武安萬安等三十二州不在朝集之限其承前貢物者並附都府貢進

十八年十一月勅靈勝涼相代黔嵩豐洮朔蔚媯擅安東疊廓蘭鄯甘肅瓜沙嵐鹽翼戎慎成西牢當郎茂驩安北庭單于會河岷扶拓安西靜悉姚雅播容燕順折平靈臨薊等五十九州為邊州楊益幽潞荆秦潭廣桂安十二州為要州都督刺史並不在朝集之例二十二年十一月勅諸朝集使十日一參朔望依常式應須設食等唯例處分

永泰元年正月宰臣王縉等奏春秋之義臣子一例今後有大臣入朝百寮望請朝罷於中書行相見之禮其宴餞准故事於鴻臚亭集從之

時上復寵大臣入觀之禮建百官朝罷行相見之禮

大曆十四年六月勅諸州刺史入計如式建中二年七月二十二日勅諸州府今年朝集使宜且權

停其貢物及文解等准例今考典赴上都

正元十三年徐州節度使張建封來朝及命歸鎮上御製

詩以賜之牧守共所重才賢生為時宜自淮授越方寸感

激陳情辭報爾所尚恤人余是資歡宴不盡懷車馬當

還期穀雨將應候行春未遲勿以千里送而云無已知

又命中使齎所執鞭以賜之曰以卿中節歲寒不移故賜

此鞭以表之十七年閏正月夏州節度使右僕射韓令義

來朝自入覲及歸不見必辭于正朝時全義自夏州節度

吳少誠全義至關不見不辭于正朝也

元和十四年八月魏博節度使田弘正來朝賜宴於麟德

殿其大將三百餘人賜物有差

十五年二月勅淄青統押海蕃每年皆有朝賀比差部領

人數校多今後差官正試相兼不得過五人

長慶四年勅節度觀察使入朝不得別有進獻

會昌元年六月勅東節度使鄭復雖稱有疾擅離本道

宜釋放以後藩鎮如更違越必舉憲章

大中五年正月勅自今以後諸道節度防禦經畧等使有

請覲者但先獻表章請得詔旨許允即任進發務使行止

之際臨時不失事機

二王三恪

武德元年五月二十二日詔曰革命創業禮樂變於三王

修廢繼紀德澤隆於三代是以鳴條克罰祀用夏郊牧野

降休宋承殷祀爰及魏晉禪代相仍山陽賜號於當塗陳

晉受封於典午上天迴睭授曆朕躬隋氏順時遜其寶位

敬承休命敢不對揚永作我賓宜開土宇其以莒之鄒邕

奉隋帝為鄜公行隋正朔車旗服色一依舊章仍立周後  
介國公其為二王後至二年五月鄜公薨追崇為隋帝謚  
曰恭

貞觀二年八月制曰二王之後禮教宜宗寢廟不嚴廩餼  
多闕非所以追崇先代式敬國賓可以令所司量置國官  
營立廟宇

永昌元年十一月一日制以周漢之後為二王仍封舜禹  
成湯之裔為王恪至神龍元年五月十日制宜依舊以周  
隋為二主後

開元三年二月勅二王後每年四時享廟牲及祭服祭器  
並官給及帷幄几案有闕亦官給主客司四時省問子孫  
唯同正三品蔭隋後每年給絹三百疋米粟三百石周後

每年賜絹二百疋粟二百石並春秋支給仍准見承襲人  
親兄為分襲者與三分餘各一分兄弟有得職事官者其  
物即還見襲人十五年閏九月勅二王後為實有會賜同  
京官正三品其夫人亦同諸王公以下無子孫以兄弟為  
會曾經侍養者聽承襲贈爵者亦在此若死王事雖不曾經侍養  
亦聽承襲又二王後犯罪當除爵者改立次賢

天寶七載五月十三日制自古帝王建邦受命必敬先代  
周脩禮文既存三恪之佐漢從損益難五二王之後自茲  
以降且復因循將廣繼絕之恩式弘復古之道宜於後魏  
子孫中擇棟灼然相承者一人鄜介公例立為三恪  
九載六月六日處士崔昌上封事推五行之運國家上承  
周漢其周隋不合為二王後請廢詔下尚書省集公卿議

昌負獨見之明群議不能屈會集賢學士衛包抗表陳論  
議之夜四星聚於尾宿天象昭然上心遂定乃求殷周漢  
後為三恪廢韓介鄒等公以昌為贊善大夫包為虞部員  
外郎至十二年五月九日魏周隋依舊為三恪及二王復  
封韓介鄒等公其周漢魏晉齊梁帝王廟依舊祭六月九  
日崔昌衛包等貶官大和五年正月鄒國公楊元濬奏臣  
先祖隋文帝等陵四所在鳳翔一兩所揚州兩所京兆府一  
所准去年四月九日勅二王後介國公先祖陵例每陵每  
月合給看守丁三人鳳翔府已蒙給丁訖其京兆府及揚  
州未蒙准勅例給勅旨各令州府准元勅處分  
開成五年十月勅介公宇文士元亡宜輟今月五日朝參  
便為常式

會昌三年八月中書門下奏二王後為國賓又是一品前  
年方輿輟朝請編人令式從之

朔望朝參

貞觀二十二年十月八日令百寮朔望日服袴褶以朝  
永徽元年十月五日京官文武五品依舊五日一參  
神龍元年四月十四日初令文武官五品以上每朔望參  
日升殿食

先天二年十月勅文武官朝參着袴褶珂繖者其有不著  
入班者各奪一月俸若無故不到者奪一季祿其行香拜  
表不到亦准此頻犯者量事貶降其衣冠珂繖乃許着到  
曹司

開元中蕭嵩奏每月朔望皇帝受朝於宣政殿先列伏衛

及文武四品以下於庭侍中進外辨上乃步自序西門出  
升御座朝罷又自御座起步入東序門然後放仗散臣以  
為宸儀肅穆升降俯仰衆人不合得而見之乃請備羽扇  
於殿兩廂上將出所司承旨素扇扇合上座定乃去扇給  
事中奏無事將退又索扇如初今以常式

開元二十五年御史大夫李通奏每至冬正及緣大禮應  
朝參官并六品清官並服朱衣餘六品以下官許通著袴  
褶如有祿故准式不合着朱衣袴褶者其日聽不入朝自  
餘應合着而不着者請奪一月俸以懲不恪制曰可

天寶三載二月三十日勅百官朔望參應服袴褶并着珂  
繖至閏二月一日宜停自今以後每逢此閏仍永為常式  
六載九月二十一日勅自今以後每朔望朝晚於常儀一

刻進外辨每座喚伏今朝官從容至閣門入至障外不須  
趨走百司無事至午後放歸無為守成宜知朕意至十二  
載十一月十三日御史中丞吉溫奏請京官朔望朝參着  
朱衣袴褶五品以上着珂繖制曰可十三年九月御史中  
丞吉溫奏朔望朝參望自今以後除伎術官外餘官不到  
兩人以上者及本司官長各奪一季祿五人以上者奏聽  
處分至冬應合着袴褶并珂繖若不具者請准勅彈奏從  
之

十四載三月一日勅常參官分日入朝尋勝宴樂

乾元三年四月十五日勅員外郎五品以上常參官自今

以後非朔望日許不入賊平之後依舊常參

時安史據  
河洛故也

廣德二年九月一日勅朝官遇泥雨准儀制令停朝參單

國事殷若准式停恐有廢闕泥既深阻許延三刻傳點侍  
道路通依常式以後亦宜准此

大曆七年六月御史大夫李栖筠奏伏以朝廷之儀義當  
祇肅今者以手力資錢比俸祿舊罰請准永泰元年八月  
勅為定其一司之中有三人以上是參官其日並不到者  
本司長官請罰一月手力資錢其一月內三度不到者雖  
每度有罰亦准前罰一月資錢每月仍便於左藏庫折納  
其有久不朝謁并假過百日以上者望令本司錄奏如相  
容隱臺司訪察彈奏餘請依後勅處分從之

又文武常參官或有晚入并全不到及班列失儀查御史  
臺錄名牒所由奪一月俸經三度以上者彈奏准開元二  
十二年五月勅如聞朝官伏下多則門及中書門下不散

自今以後宜令臺司糾察除公事見宰相一切從正門出  
違者彈奏又唯乾元元年勅朝參官無故不到奪一月祿  
正元二年八月一日御史中丞竇參奏准儀制令兩合停  
伏以軍國事殷恐有廢闕請令每司長官一人入朝有兩  
員并副貳亦許分日其夜甚雨至明不止許令伏下後到  
外廊食訖入中書其餘官及王府長官並請停朝任於本  
司勾當公事泥雨經旬亦望准此

七年十一月詔常參官入問不得奔走其有周以下喪者  
禁祿服朝後衣綾袍金王帶初金吾將軍沈房有弟喪公  
服不衣祿服入門上問宰臣董晉對曰准式朝官有周以  
下喪者許服絕縵衣不合淺色上曰南班何得有之對曰  
因循而然又曰在式朝官皆以綾為袍五品以服金玉

帶取其文練華綉以奉上也昔尚書郎含香此意也

八年十月復命金吾置門籍

十二年四月御史中丞王顏奏吏部兵部禮部侍郎郎中員外郎共一十三員起去年十一月一日至今年三月三十日並不朝臣此謂選限內不朝定憑格勅去三月二十一日報前件官並闕奉慰臣刺中書門下省并兵部吏檢勅格無文伏以國朝故事開元以前旬假節日百官盡入朝至天寶五載始放旬節假日不入近年又賜分日伏緣優貸之厚有改慢易之愆詔自今以後吏部兵部尚書侍郎除試人詮注唱官并禮部侍郎兵部南曹官試人及入宿日其餘朝官參官並准式尋為吏部兵部禮部奏舉詔又可之

十三年正月御史臺奏諸司常奏文官隔假三月以上並橫行參假其武班每月先配九參比來或經冬至及歲寒食等三節假滿不足本配入日並不橫行事寔乖闕請從自今以後每經三節假滿縱不是本配入日亦請依文官例參從之其年六月十二日勅卿等朝謁是常或陰雨不聞鼓聲則不免奔波走馬忽有墜損深軫朕懷自今以後縱鼓聲差池亦不得走馬及時暑稍甚雨雪泥濘亦量放朝參

十五年四月膳部郎中歸崇敬以百官朔望朝服袴褶非古礼上疏曰按三代典禮兩漢史籍並無袴褶之制亦未詳所起之由隋代以來始有服者不師古請罷之奏可元和元年正月准吏部兵部尚書侍郎郎官并禮官侍郎

御史中丞武元衡奏前件等司近起十月至來年三月稱  
在先選舉退內不奉朝參令式無之禮欲斯闕一年之內  
半歲不朝去正元十二年中丞王顏奉勅釐革辭在明文  
尋又因循輟自便改若以兵部禮部舉選限內事繁即中  
書門下御史御臺度文京兆府公事至重朝請如常而况  
旬節已賜休常參又許分日一月之內總奉十日朝參其  
間甚熱甚寒皆蒙預放臣以為王顏舉奏甚詳當時勅文  
處分甚備請准正元十一年四月勅旨自今以後永為常  
式他年妄改條請委臺司彈奏庶使班行式序典法無虧  
依奏

二年十二月 御史臺奏文武常參官准軋元元年三月勅  
如有朝堂相弔奏及跪拜待漏行立不序談笑喧譁入衙

門執笏不端行立遲慢至班列立不正趨拜失儀言語微  
喧穿班仗出閣門不即就班無故離位廊下食行坐失儀  
語鬧入朝及退朝不從正衙出入非公事入中書每犯奪  
一月俸今商量舊條每罰各減一半有犯必舉不敢寬容  
如所由指揮尚抵拒飾非即請准舊例錄奏貶官從之  
四年十月御史中丞李夷簡奏准正元十二年四月中丞  
王顏元和元年三月中丞武元衡奏兵部吏部禮部侍郎  
官每年舉選限內不奉朝參又今年所造選格不詳勅文  
復請明日朝參臣合彈奏勅宜准正元十二年四月勅處  
分

九年十二月勅起來年正月以後每朔望日刑部侍郎郎  
中員外大理卿少卿及中丞一人時對其日宰相并次對



中謝官並不用来

十年三月壬申朔御延英殿召對宰臣故事朔望日御宣政殿見群臣謂之大朝玄宗始以朔望陵寢荐食不聽政其後遂以為常今之見宰臣特以事召也其年六月勅御史臺自今以後常參官每入班以見到人名銜進來其朔望及雙日勿進是月詔自今以後許寅後二刻傳點及質明後朝騎尚在街中者特坐紫宸殿久之而朝班未至因命宰臣宣諭之乃復時命宰臣戒九街御史以中丞裴度遇盜故也

十四年二月詔朔望據錢多少每貫罰二十五文仍委御史臺糾察聞奏大中四年十月望不視比之大祠故也

大和元年六月勅文武常參官朝參不到御史中丞魏謩奏准兵部吏部禮部三司尚書侍郎等官一十三員主舉

選試五箇月不朝參近已降流聞奏訖奏勅前後勅文處分有司不合妄更奏論准正元十二年元和四年彈奏前件三司除試人及入宿外並不合不朝參勅文曾未經年三司復此論奏今具前後勅文如前勅者本是五箇月不朝今許不過一兩月奏不權放必恐擁滯准兵部選事勞逸尤與吏部不同選限內遇公事繁併日在具事尤牒臺尋常不在放朝參限

天祐二年十二月勅漢宣帝中興五日一聽朝歷代通規宜為常式今後每月只許一五九日開延英計九度其入閣日仍于延英日一度指揮如有大段公事中書門下具榜子奏請開延英不拘日數

三年六月勅文武百寮每月一度入閣於正觀殿正觀大

殿朝廷正衙正王之辰受群臣朝賀比來視朔未正規儀  
今後於崇勳殿入閣

廊不食

貞觀四年十二月詔所司於外廊置食一頓出國朝故事  
正元二年九月舉故事置武班朝參其廊下食等亦宜加  
給

唐會要卷第二十四

唐會要卷第二十五

推忠協謀佐理功臣光祿大夫守司空燕門下侍郎  
同中書門下平章事監修國史上柱國太原郡開國  
公食邑二千戶寔封四百戶臣王溥纂

輟朝

雜錄

百官奏事

親王及百官行立位

文武百官朝謁班序

輟朝

開元十八年十二月左丞相燕國公張說薨輟朝五日廢  
元日朝會

二十九年十一月寧王憲薨輟朝十日

正元十五年七月以黔府觀察使王礎卒輟朝一日故事

殿朝廷正衙正王之辰受群臣朝賀比來視朔未正規儀  
今後於崇勳殿入閣

廊不食

貞觀四年十二月詔所司於外廊置食一頓出正史國朝故事  
正元二年九月舉故事置武班朝參其廊下食等亦宜加  
給

唐會要卷第二十四

唐會要卷第二十五

推忠協謀佐理功臣光祿大夫守司空燕門下侍郎  
同中書門下平章事監修國史上柱國太原郡開國  
公食邑二千戶寔封四百戶臣王溥纂

輟朝

雜錄

百官奏事

親王及百官行立位

文武百官朝謁班序

輟朝

開元十八年十二月左丞相燕國公張說薨輟朝五日廢  
元日朝會

二十九年十一月寧王憲薨輟朝十日

正元十五年七月以黔府觀察使王礎卒輟朝一日故事

團練觀察使卒未有廢朝者自礎始焉其年九月義成軍  
節度使盧群卒輟朝故事節度使卒從皆先廢朝然後除  
代至是先除尚書右丞李元素然後輟朝非也十六年以  
徐泗濠等州節度使張建封卒輟朝近例節度使帶僕射  
以上卒輟朝三日尚書以上之下都團練觀察使則否洎  
正元八年嗣曹王臯下一年李自長皆以節度使帶尚書  
卒各輟朝三日至十四年樊澤以僕射卒輟朝一日十五  
年黔府觀察使王礎卒特為輟朝一日以供不  
定載盡  
元和九年六月丙子天德軍經畧使周懷義卒輟朝一日  
經畧使廢朝自懷義始也  
大和九年七月太常博士崔龜從奏大臣薨輟朝日伏以  
廢朝軫怛義重君臣所貴及哀尤宜示信自頃以來輟朝

兩日示其升降有差恩礼無借垂之百王永播芳烈疏奏  
乃詔罷朝兩日

雜錄

開元三年十二月勅諸文武官三品以上及中書黃門侍  
郎若遇雨聽着雨衣及帽至殿門外并聽着出入又諸文  
武三品以上帶職事者欲向田莊不出四面関者不須辭  
見致仕朝望朔者准此  
二年閏二月七日勅每受朝日平明後仗未下前皇城內  
正南街宜斷人馬來往  
十五年七月勅文諸道遥授官自非路便即不須赴謝  
天寶十三年七月勅自今以後應正衙引辭官當日不發  
委御史臺察訪聞奏

正元十三年六月詔自今以後時暑及雨雪泥潦亦量放朝參

十五年正月丁亥不視事以公卿等朝拜諸陵故也初是月七日拜陵官發其日本視事適會量晉卒廢朝至六年二月公卿拜陵發日遂不親視事迄今因循行之

元和元年三月御史中丞武元衡奏中書門下御史臺五品以上官尚書省四品以上官諸司正三品以上官及從三品職事官東都留守轉運鹽鈔節度觀察都團練防禦招討經畧等使河南尹同華州刺史諸衛將軍三品以上官除授皆入閣謝其餘官許于宣政南門拜訖便退從之二年六月百官初入待漏院候禁門啓入朝故事建福望仙寺門昏而閉五更而啓與諸里門同時至德中有土蕃

自吾仗亡命因勅晚開宰相待漏太僕寺車坊至是始令有司各據班品置院於建福門

五年十二月義武軍節度使張茂昭舉族歸朝至京師故事雙日不坐是日特開延英

十四年八月上謂宰相曰今天下雖漸平尤須勤於政理若遇休假頻不坐朝有事即詣延英請對勿拘常制

十五年正月十三日延英開宰相及群官徃對已而上却不坐以中書侍郎令狐楚有事于太清宮故也其年十月下元假召宰相于延英議邊事也

大和七年正月戶部侍郎庾敬休奏當司未有待漏院今請於鹽鐵度支待漏院側創造依奏

九年八月御史臺奏應文武朝參官新除授及諸道節度

觀察經畧防禦等使及入朝赴鎮並合取初朝謝日先就  
廊下參見臺官然後赴正衙辭謝或有於除官之日及朝  
覲到城忽遇連假三日以上近例便許於宣政門外見謝  
訖至假開亦須特到廊下參臺官者請自今以後如遇連  
假已見謝訖至假開亦須特到廊下參臺官依奏  
開成元年正月勅自今以後每遇入閣日次對官未要隨  
班並出並於東階松樹下立待宰臣奏事退令齊至香案  
前各奏本司公事左右史待攻對官奏事訖同出其年五  
月中書門下奏自今以後除刺史並望延英對了奏發日  
限促不遇坐日許於臺司通將待延英開日辭了進發從  
之

三年二月御史臺奉宣自今以後遇延英開擬中謝官委

司臺前一日依官班具名劄奏如先奏即不在中謝限又  
勅新授方鎮延英開日便令中謝其兩省官中謝即不在  
今本司前一日奏聞餘依其年三月堂帖奉宣新授刺史  
於閣內及延英中謝不必須候延英開其月中書門下奏  
僕射尚書侍郎左右丞五監九寺大卿監准開成元年三  
月勅每遇延英開並令候對如入閣日班退後各紫宸殿  
前東西松樹下依位立本司有公事即聞奏者伏以西衙  
坐日宰臣及決對官奏事比及退朝已是辰巳之間若更  
祇候即廢闕公務今日延英面論並請停罷如須顧問隔  
宿及臨時宣召必不稽遲依奏其年十月莊恪太子薨中  
書門下奏輟朝合至月末舊無起居之禮頗乖臣子之心  
臣等商量隔三日一赴延英進尸起居應協情禮從之

四年正月中書門下奏尚書省四品以上官及諸卿監等  
遇雨衙坐日宜令兩人循環於閣內及延英祇候者勅前  
件官等若當待制之日重差定憲虞妨公事起今以後合  
祇候官請不在待制之限依奏其年二月御史中丞高元  
裕奏伏以近日丞即以上官未就食之前時有稱疾便請  
先出請自今合候對官遇延英開日有事要與宰臣商量  
者即請拜食後先出仍事須前牒臺司或年齒衰遲不任  
每度就食者量許三度伏下後先出其餘官不在此限如  
違請每月終一度具名聞奏依奏

### 百官奏事

舊制六品以下官奏事皆自稱官號臣姓名然後陳事通  
事舍人侍御史殿中侍御史則不稱官號

貞觀四年五月五日上謂房玄齡等曰君於臣子情亦無  
別前如晦亡朕爲不視事數日惻愴之今任環亡豈有內  
外殊異所司不進狀乃對仗便奏此豈識朕意如朕子弟  
不幸死亡公等可如此奏耶今日後不得如此  
永徽二年十二月詔五品以上封事不能進聽伏下面  
奏

景龍二年二月七日勅仗下奏事人宜對中書門下奏若  
有秘密未應揚露及太史官不在此限至三年二月二十  
六日勅諸司欲奏大事並向前三日錄所奏狀一本先  
今長官親押判官對仗面奏其御史彈事亦先進狀至開  
元五年九月十二日詔比來百司及諸使奏陳皆待杖下  
頗乖公道須有革正自今以後非灼然秘密不合彰露者

並令對仗如文書浩大理交雜者仍先進狀其太史官自  
依舊例至六年七月二十八日詔曰百司及奏事皆合對  
仗公言比日以來多仗下獨奏宜申明舊式告語令知如  
緣曹司細務及有秘密不可對仗奏者聽仗下奏  
開元十八年四月二十一日勅五品以上要官若緣兵馬  
要事須面奏者聽其餘常務並令進狀

興元二年九月上謂宰臣曰近者朝官諫言都不陳奏時  
之利病何以知之自今每正衙及延英坐日常令朝官三  
兩人回奏時政得失庶有弘益

正元十四年二月太常卿齊抗奏元日朝賀奏事戶部禮  
郎尚書司天監奏聞元禮並令於橫班同群官拜訖然後  
依次奏事自後並未拜以前先就階上立奏事畢隨例便

非奏報之時備禮於教日之外雖遵常制似不本情臣不  
敢遠徵古書請引國朝故事貞觀中在環卒有司對仗奏  
聞太宗責其乖禮岑文本既歿其夕為罷

嚴張公謹之

亡哭之不避辰日是知憫悼之意不宜過時臣謂大臣薨

禮合輟朝縱有疑務急速便殿須召宰臣不臨正朝無爽  
事躰如此則由衷之信載感於幽明弥情之文無虧於禮  
典太常寺恭定仗以近日文武三品以上官薨卒皆為輟  
朝其間有未經親重之官今任又是列散者為之禮變誠  
恐非宜自今以後文武三品以上非曾任將相及曾在密  
近宜加恩禮者餘請不在輟朝其餘並請依元勅又中書  
門下奏覆古有當祭告喪義在申請同躰過時而哭於理  
為乖禮院所請合輟朝者各以聞哀之時明日請依餘酌



太常寺所奏別其品例輕重進定謹按儀制令百官正一品喪皇帝不視事一日又准官品令太師太傅太保太尉司徒司空以上正一品太子太師太子太傅太子太保以上從一品侍中書令以上正二品左右僕射太子少師太子少傅太子少保三京牧大都護上將軍統將以上從二品門下中書侍郎六尚書左右散騎常侍太常宗正卿左右衛及金吾大將軍左右神策神武龍武羽林大將軍內侍監以上正三品御史大夫殿中秘書監七寺卿園子祭酒少府監將作監京兆河南尹以上從三品緣令式舊丈三品以上薨歿通有輟朝之制伏以君臣之間禮情所及事必繁於委遇官則以時重輕一用舊儀咸乖中道臣等參配色目如前其留守節度觀察都護防禦經畧等使

並請各據所兼官為例依奏其年九月中書門下奏近奏定合輟朝官品勅已尋行其致仕官多是優禮合同正親勅例未該須有處分自今以後其致仕官如非曾任三品以上正官及歷四品清望並不在此例依奏勅應官至丞郎亡歿合有廢朝况班在諸司三品之上自今以後宜准諸司三品官例處分因尚書左丞廢散休薨乃降是勅也大和八年七月太僕卿段伯倫秀寔之子自古歿身以利社稷無如秀寔者文宗乃特加贈仍輟朝一日以禮忠臣之嗣

會昌三年八月中書門下奏親王公主葬日准德宗以前寔錄並合輟朝一日請自今以後准故事處分又京官一品尚書省二品及時舊相方臻此位比來同刺史曾任監

例輟朝一日恐輕重不倫起今後並望輟朝兩日又二王後為國賓又是一品前年方輟朝請編入令式又附馬登朝之初例除四品既是國家不合繫於品秩望輟前一日並依奏

大中十一年右羽林統軍鄭光卒止之元舅也詔贈司徒輟朝三日御史大夫李景儉上疏曰鄭光是陛下親舅外族也愛誠軫聖心今以輟朝之數比于親王公主即前例所無縱有似不可施用何者先王制禮所貴防微大凡人情于外族則深于宗屬則薄先王制禮割愛厚親據開元禮外祖父母親舅喪止服小功五月若親伯叔親兄弟即服齊縗周年所以踈其外而密於內也有天下者尤不可使外戚強盛今鄭光輟朝日數望速改詔命輟朝一日或

用以北方今京兆河南司錄及諸州錄事參軍皆操紀律糾正曹與尚書省左右丞網紀六典畧同設使諸曹掾因其功勞朝廷就加臺省官立位豈得使在司錄及錄事參軍之上施於州縣尚謂非宜况在朝廷寔為倒置且尚書左丞自置此官職業至重按六典得彈射八座主省內禁令及宗廟祠祭之事御史糾劾不當得彈奏之豈可不究是非輕為措置今臺司所奏但言例曾不揣摩事若循理雖無往例亦合遵行事若非宜雖有往例便合改正今據元和元年臺司所奏勅戶部侍郎兼大夫班位合在兵部侍郎之上在左右丞吏部侍郎之下今若因循往例不宜改正遣戶部侍郎兼大夫位在左右丞之上則京兆尹兼御史大夫班位合在太常宗正卿之上不唯有紊典

章寔恐重違元勅謹具正元二年以後勅旨如前伏乞重  
賜參詳庶合事理勅旨緣御史臺與 省各執所見因此  
須為定制其宜令兩省官詳議聞奏

三年二月庫部郎中知制誥崔于奏兼御史大夫中丞一  
班位奉勅宜令兩省官詳議聞奏者伏以御史大夫中丞  
掌邦國憲法朝廷紀綱兼此官者皆以所領務重時為寵  
獎近來諸司侍郎兼大夫者並在左右丞之上相承不改  
行之已久况今使下監察御史裏行朝謝之時列在左司  
郎中之上以此參比足可辨明况奉去年十月勅御史大  
夫進為正三品寺丞進為正四品下郎官望等裏九重往  
時酌從宜之文定可以之法合崇憲聯試叶朝儀請唯前  
例諸行侍郎兼御史大夫中丞者在尚書左丞之上勅宜

退既無禮度則有闕儀今請依開元禮部戶部尚書以上  
於南班再拜訖便隨上公升于階就東向位立准儀注奏  
事以補舊儀可之

十八年七月嘉王府諮議高弘本正衙奏事自理逋債因  
下勅曰比來百官每於正衙奏事至於移時為弊亦甚自  
今以後不須於正衙奏事如要陳奏者並於延英進狀請  
對正衙奏事不易之制貞現之間致致理道講陳政事其  
也後正衙奏御凡在列位無不上達今弘本贖理罪之可  
其事不可廢

長慶二年七月御史臺奏文武常參官閣內奏事近年無  
例昨者威衛將軍高扶援引德音迥出班位緣非彈奏本  
條未敢舉勘起今以後其文武常參官應有諫論合守進  
狀常例有違即請奏彈從之

會昌元年六月勅今後應有朝官及上封事人進章表論人罪惡並須證驗明白狀中仍言請付御史臺不得更云請留中不出如軍國要機事闕密切不在此例

親王及朝臣行立位

貞觀十二年正月十五日禮部尚書王珪奏言三品以上遇親王於途皆降乘違法申敬有乘儀注上曰卿輩皆自崇貴早我兒子乎特進魏徵進曰自古迄茲親王班在三公之下今三品皆天子列卿乃八座之長為王降乘非王所宜當也求諸故事則無可並行于今又乖因憲上曰國家所以立太子者擬以為君也然則人之修短不在老幼設無太子則母弟次立以此而言安得輕吾子也徵又曰殷家尚質有兄終弟及之義自周以降立嫡以長所以絕

庶孽之窺窬塞禍亂之源本為國者宜知所慎於是遂可珪奏

開元六年八月一日右散騎常侍褚無量上疏曰臣謹詳諸史氏案以禮經有親親之義尊尊之道所以重王室敬耆年今陛下繼舊惟新睦親尚齒朝義品列宜更申明至若命以嗣王用宗主祭養夫國老蓋在乞言會於朝班合從上列准令嗣王正一品今乃居庶官之次頗為間雜須有甄明臣伏見開府儀同三司在三品前立望請嗣王亦與開府同行諸致仕官各於本司之上則重親尚齒典禮式存五日勅九族既穆百官有序至於班列宜當分位嗣王寔光於主祭國老有責於乞言比在朝儀尚為間雜非所謂睦親敦舊之義也嗣王宜與開府儀同三司等致仕

官各居本司之上用永為常式

七年八月勅諸王入朝及別恩追至朝參日未入間於便

近處坐仍令所司陳設

建中元年十一月詔親王出閣就本列至正三年七月詔

宗廟尚爵朝廷尚官今嗣群王爵雖居高官或在下列於

上官之上非制也至四年七月勅自今以後嗣群王列於本官之下也

至元二年十月九日御史臺奏每有慶賀及頒上表並合

上公行之如無上公即尚書令僕以下行之其嗣王合隨

宗正若有班立位合依三品

四年七月二十七日勅今後嗣群王列於官班之上庶子

宜在卿之上

文武百官朝謁班序

正元二年六月御史中丞竇參奏起今以後班七人以上

同日不到者請具名聞奏從之其年九月五日勅應文武

百官朝謁班序

中書門下侍中書令同中書門下供奉官門下右散騎常侍

諫議大夫給事中書舍人起右即及舍人若入閣即各

隨左右省其御史大夫中丞侍御史左右殿中侍御史左右通

事舍人分左若橫行參賀辭見御史大夫在散騎常侍之下

御史臺御史大夫在三品官之上別立留守副元帥都統節

度使觀察使都團練都防禦使并大都督大都護持節兼

者即入班在正官之次餘官兼者各從本官班序御史在

之後諸使司下無本官唯授內供奉裏行者即入班亦在

正官之次有本官兼者各從本官班序如本官不是常參

官并憲官是攝者唯御史班中辭見殿中省官監少監尚  
衣尚舍尚輦奉御分左右隨繖扇立若入闕亦如之

一品班 三太三公太子三太嗣群王散官開府儀同三  
司國公等同班

二品班 尚書左右僕射太子三少京兆河南牧大都督  
大都護散官特進光祿大夫爵開國郡公開國縣公并上

柱國同

三品班 六司尚書太子賓客九寺卿國子祭酒三監京

兆寺七府尹詹事親王傳中都督上都護下都護都督上

州刺史五大都督府長史上都督府都護散官金紫光祿

大夫爵開國侯勳上護軍下護軍

四品班 尚書左右丞六司侍郎太常少卿宗正少卿左

方庶子秘書少監餘七等少卿國子司業少府將作少監

京兆河南太原少尹少詹事左右諭德家令率更令僕親

王長史司馬鳳翔等少尹中州刺史下州刺史大都督護

司馬散官正議大夫通議大夫大中大夫中大夫爵開國

伯勳官上輕車都尉

五品班 尚書諸司郎中國子博士都水司使者萬年等

六令太常宗正秘書丞著作郎殿中丞尚食尚藥尚舍尚

輦奉御大理正中允左右贊善中書舍人洗馬親王諮議

散官中散大夫朝請大夫朝散大夫爵開國子開國男勳

官上騎都尉

武班供奉宣政殿前立位 從北千牛連行立次千牛中

即將次千牛將軍一人次過狀中即將一人次接狀中即

將二人次押柱中即將一人次又押柱中將一人次排階  
中即將一人次又押散手仗中即將一人以上在橫街北  
次南金左右大將軍

入閣升殿 夾階座左右從南千牛將軍一人次千牛即  
將一人次千牛將軍一人次千牛連行立柱外過狀中即  
將一人接狀中即將一人次押柱中將一人排階中即一  
人階下排散手仗中即將一人金吾將軍分左右立  
應當上合入閣人各依前件立其不入閣人各依本職事  
立非當上人遇合參日並從本官品第班序其入閣升殿  
除千牛衛將軍中即將外餘並以左右中即將充其諸衛  
及率府中即將不得升殿

一品班

群郡王散官標騎大將軍爵國公

二品班

散官輔國大將軍鎮國大將軍爵開國郡公開

國縣公勳官

上柱國柱國

三品班

左右衛左右金吾衛左右駝衛左右武衛左右

威衛左右將軍衛左右監門衛左右千牛衛大將將軍諸  
衛將軍散官冠軍大將軍雲麾將軍爵開國侯勳官上護  
軍護軍

四品班

左右千牛衛左右監門衛中即將親勳翊衛中

即將太子左右衛太子左右衛司率清道內率監門副率  
太子親勳翊衛中即將上府折衝都尉中府折衝都尉散  
官忠武將軍壯武將軍宣威將軍明威將軍爵開國伯勳  
上輕車都尉輕車都尉

五品班

親勳翊衛即將軍太子親勳翊衛即將親王典

軍親王府副典軍下府折衝都尉上府果毅都尉散官定  
遠將軍寧遠將軍游騎將軍游擊將軍爵開國子開國男  
勳官上騎都尉騎都尉

尚書省官 據周禮先啟六官准六典尚書為百官之本  
今每班請以尚書省官為首

東宮官王府官外官 東宮官既為宮臣請在上臺官之  
次王府官又次之三太三少賓客右庶子王傅既為師傅  
賓相不同官屬請仍舊

太常宗正丞 並隨寺望合在秘書丞上

尚食奉御尚藥奉御 本局既隸殿中省合在殿中丞之  
下

諸王府官 行例合以王長幼為序

檢校校官兼官及攝試知判寺官 並在同類正官之次

其有行守檢校兼試攝判寺官職事者即依正官班叙除  
留守副元帥都統節度觀察使都團練都防禦使并大都  
督大都護持節兼外餘應帶武職事位在西班仍各以本  
官品第為班序

含元殿前龍尾道下叙班 舊典此意唯合於通乾觀象  
門南叙班自李若水任通事舍人奏更於龍尾道下叙班  
既非典故今請停

文武官行立班序 通乾觀象門外序班武次文至宣政  
門文由東門而入武由西門而入至閤門亦如之其退朝  
即並從宣政西門出

文官克翰林學士皇太子侍讀諸王侍讀武官克禁軍職



事准舊例並不常朝參其翰林奉士大朝會日准興元元年十二月二十九日勅朝服班序宜准諸司官知制誥例在集賢史館等諸職事者並請朝參訖各歸所務  
辭見宴集班列先後請依天寶三載七月二十八日禮部詳定所奏勅公式令諸文武官朝參行立二王後位在諸侯王上餘各依職事官品為序職事同者以齒致仕官各居本色之上若職事與散官勳官合班列文散官在常階職事者之下武散官次之勳官又次之官同者異姓為後若以爵為班爵同者亦准此其男以上任文武官者從文武班若親王嗣王任卑者職事仍依本品群王班三品以下職事者在同階品上自外無文武官者嗣王在太子太保下郡王次之國公在正二品下郡公在從三品下縣

公在正四品下侯在從四品下伯在正五品下子在從五品上男在從五品下即前官被召見及赴朝參致仕者在本品見任上以理解解者在同品下其在本司參集者各依職事諸散官三品以上在京者正東朝會依百官例自餘朝集及別使臨時聽  
儀制令 諸在京文武官職事九品以上朔望日朝其文武官五品以上及監察御史員外郎太常博士每日常參武官五品以上仍每月五日十一日二十一日二十五日參三品以上九日十九日二十九日又參當上日不在此例其長上折衝果毅若文武散官五品以上直諸司及長上者各准職事參其弘文館崇文館及國子監學生每季參若雨露失容及泥潦並停諸文武九品以上應朔望朝

參者十月一日以後二月二十日以前並服袴褶五品以上着珂傘周喪未練大功未葬非供奉及宿衛官皆聽不

趨  
常參文武官准令每日參日艱難以來人馬劣弱遂許分日望許依前分日參待戎事稍平加其俸祿即依常式其武官准令五品以上每月六參三品以上更加三參頃並停廢今請准令却復舊儀其朔望朝參及弘文館崇文館國子監學生每季參等請續商量聞奏以前御史中丞竇參等奏伏奉今年四月三日敕宜付所司與御史臺以近日體例參校禮文務從簡正詳定訖聞奏者臣等准敕詳定如前勅旨二品武班宜以左右金吾等十六衛上將軍依次為班首其檢校官兼及攝試知判等本官二品以上

者位望崇重禮異群僚官依本班朝會餘依十三年十月徐泗節度使張建封入朝觀詔參令入大夫班亦優禮也二十年十月御史中丞武元衡奏准正元二年班序勅使下三院御史有本官是常參官兼者即入本官班如內供奉裏行即入御史班綠使下御史近例並不在內供奉班內請自今以後諸使下御史內供奉者入聞日并依宣政殿前班位次員外郎之後在正臺監察御史之上便為常式從之

二十一年五月御史臺奏准正元二年九月班序勅已有定制其橫行位次請一切依本班先後如遇雨泥廊下立班即依舊位又常參官辭見班令綠吏御史多帶兼官高下不等今請兼大夫者在諸司四品之上丞廊及供奉官